



TE WHAREKURA O KIRIKIROA

33 Fifth Avenue, Enderley
Hamilton
P.O Box 14-133
Phone: 07 8556674
Email: admin@kirikiriroa.school.nz

No. 10
04 Hongongoi
2024

TUIA TE RANGI E TŪ NEI, KO TE ATUA TŌ TĀTOU PIRINGA KA PUTA KA ORA. TUIA TE TE
PAPA E TAKOTO NEI, KO KĪNGI TŪHEITIA KO TE WHARE KĀHUI ARIKI. KA RONGO TE PŌ,
KO NGĀ MATE TĀRŪRŪ NUI, KA RONGO TE AO KO TĀTOU TE HUNGA ORA, TUIA TE MUKA
HERENGA TANGATA, TIHĒ MAURIORA

KAUPAPATAKA – CALENDAR OF EVENTS

Te Wiki me te Rā		Te Kaupapa	Te Wāhi
10	05.07.24	Rā Whakamutunga mo te Wāhanga Tuarua 12.30pm	Te Wharekura o Kirikiriroa
1	22.07.24	Rā Tuatahi mo te Wāhanga Tuatoru	Te Wharekura o Kirikiriroa

POITŪKOHU TAU 9-10

Ahakoā ngāa keemu i mahue e te tiima nei naa runga i ngāa kaingaakautanga ki te kapa haka, i whai waahi tonu atu raatou ki ngāa keemu whiringa whaanui. Hikaka katoa te tiima ki te karawhiu i ngāa puukenga, aa, maahea te kite atu i te mokemoke raatou moo te haakinakina nei. Ko te manako ia, maa te kaha uu, ka whai waahi atu raatou ki ngāa whiringa whaaiti.

KEEMU 02/07

POITUKOHU

TAU 9-10

TWOK HAUTUTU

45


VS

MORRINSVILLE KINGMAKERS

33

KAIPIRO I EKE - #23 KANOA NEWTON-KING 27PT
MAA TE KAHU UU - #1 TAKIMOANA SIKISINI
NGAA UARA - #28 PHOENIX TE MARO

HAUTAPU



Ka rewa a Matariki ki te pae o ngāa rangi, ko te tohu o te tau hou Māori.
Ruruku ngāa tai o manako, me ko Hiwaiterangi e kau ana i ngāa karenga wai.
Kia mau ki ngāa kupu, maa te kaha uu ka eke
Maanawatia a Matariki – Maanawatia te tau hou Māori.



TE WHAREKURA O KIRIKIRIROA

33 Fifth Avenue, Enderley
Hamilton

P.O Box 14-133

Phone: 07 8556674

Email: admin@kirikiriroa.school.nz



I teeraa wiki i takahi whenua atu te kapa tuakana ki roto i a Ngaati Koata moo ngaa Whakataetae Kapa Haka moo ngaa Kura Tuarua o te motu. He tuatahitanga teenei moo too taatou kura. I wana te tuu, i rongo i te ihi me te wana, mai tata, mai tawhiti.

E tika ana kia miihia ngaa rau ringa i ora ai te kaupapa nei, mei kore ake koutou kua kore taa taatou kapa. Heoi, ko ngaa whakamaanawa ki ngaa tuakana o te kapa – naa koutou te ara i para hei whaainga maa aa koutou teina e haere ake nei. Ko koutou ngaa tino ihopuumanawa, ngaa hautipua o te ao haka ki a raatou. E poho kereruu ana te kura, te whaanau me te hapori i taa koutou whakapeto ngoi kia eke ai, kia tutuki ai ngaa whaainga i whakatakotoria maa koutou.

Ngā whakawhiwhinga:

I roto te kapa i te puna B - Taiohi

- 1st Haka
- 1st Poi
- 2nd Mōteatea
- 3rd Whakaeke
- 3rd Poi
- 3rd Waiata-ā-ringa
- 3rd Kaitātaki Wahine

I ngā puna katoa (Across all puna)

- 1st Haka
- 3rd Poi

Ka mutu ngā Prelims, i mutu te kapa nei ki te taumata tuawha puta i ngā puna katoa.

Kei ngā ringaringa me ngā waewae, nā koutou mātou i eke ai i ngā taumata i tēnei hui taioreore. Ka mutu a mātou mihi ki a koutou katoa - Paimārire